

禪宗頌古聯珠通集卷第十八

赤四

俗錄句亦關教無靈本釋寺住持淨戒重校

祖師機緣

潭州谷山有緣禪師嗣大光僧問如何是祖師西來意師曰夜半烏兒頭戴雪天明啞子抱頭歸頌曰瑞靄祥煙鎖玉樓妙年王子恣

赤四

優游琉璃殿上騎金馬明月堂前輟綉球丹

京兆白雲菴禪師嗣大光僧問

如何是深深處師曰矮子渡深溪頌曰

白頭童子智尤長半夜三更渡渺茫任運往

來無間斷不消船艇與浮囊升霞亭

吉州禾山無寂禪師嗣九峯示衆曰習學謂

永樂北藏

禪宗頌古聯珠通集

第一九九冊

之聞絕學謂之隣過此二者謂之真過有僧問如何是真過師曰禾山解打鼓曰如何是真諦曰禾山解打鼓又問即心即佛則不問如何是非心非佛師曰禾山解打鼓曰如何是向上事師曰禾山解打鼓頌曰布毛拈起費人言爭似禾山一句傳打鼓一聲喧宇宙冰寒千丈忽生蓮投子青一拽石二搬土發機須是千鈞弩象骨老師曾輟球爭似禾山解打鼓報君知莫莽鹵甜者甜者苦者苦雪竇頭一二三四五禾山解打鼓觀音妙智力能救世間苦正覺逸當陽打動番南鼓萬象森羅立地聞不是大家齊則劇難消白日

永樂北藏

禪宗頌古聯珠通集

第一九九冊

到黃昏雪菴草履為冠松作釵一般瀟灑  
眼頭乖清音只在風簷下終日無人不下塔  
重堂愚禾山解打鼓大地無寸土不是邯鄲  
人切忌學唐步無相範

洪州鳳棲山同安常察禪師明九峯問僧眼  
界無光如何得見僧曰北斗東轉南斗西移  
師曰夫子入太廟曰與廢則同安門下道絕  
人荒去也師曰橫抱櫻孩擬彰皇簡頌曰  
新羅激海南岳天台纖塵不礙豈涉去來回  
頭欽念解脫門開反憶善財尋勝友百城游  
徧不知回雪竇宗同安因僧問如何是  
鳳棲家風師曰鳳棲無家風曰既是鳳棲為

什麼却無家風師曰不迎賓不待客曰恁麼  
即四海參尋當為何事師曰盤飪自有傍人  
施頌曰三世如來一口吞故山深靜月黃  
昏赤白分頂後千門曉坐看春回入燒痕自得  
上角不全身上毛不出頌曰秘殿重圓曉  
尚寒丹堦苔潤未排班寶香鳳燭烟雲合寂  
寂簾垂不露顏甘露同安因僧問  
新歲方來殘年已去莫有不受歲者麼師曰  
有曰如何是不受歲者師曰作麼生曰恁麼  
則不受歲也師曰城上已吹新歲角窓前猶  
點隔年燈頌曰舊歲新年作問端同安從

此放顛顛憑仗高樓莫吹笛大家留取倚闌  
干懶卷柵樓上嗚咽角已吹燈前蝴蝶夢猶  
迷如今要識不遷義日出東方夜落西無機  
惠  
新羅國可巖嗣谷山歲僧問如何是禪師曰  
古塚不為家曰如何是道師曰徒勞車馬迹

曰如何是教師曰貝葉收不盡頌曰  
故國清平久有年白頭猶自戀生緣牧童却  
解忘功業懶放牛兒不把鞭古來不升霞淳二  
四十九年成露布五千餘軸盡言詮妙明一  
句咸音外折角泥牛雪裏眠貝葉收不盡  
貝葉收不盡一句無私萬法印千聖滿口不

能宣嶺梅漏泄春光信雪竇宗曰  
古塚不為家漁翁舉棹出蘆花湛水無風江  
月迥長空撒盡暮天霞  
不勞車馬迹文王去後無消息月華影裏釣  
魚磯萬古清風長歷歷  
一鏃三關俱透脫從前汗馬休拈掇須知舊

閑快龍舟當年曾把錦標奪  
新羅國大嶺禪師嗣谷山歲僧問如何是一  
切處清淨師曰截瓊枝寸寸是實折梅檀片  
斤皆香頌曰 乾坤盡是黃金國萬有全  
彰淨妙身玉女背風無巧拙靈苗花秀不知  
春霞淳 杭州佛日和尚明雲居夾山一

永樂北藏

禪宗頌古聯珠通集

第一九九冊

未四

三

日大普請維那請師送茶師曰某甲為佛法  
來不為送茶來那云和尚教上座送茶師曰  
和尚尊命即得乃將茶去作務處搥茶碗作  
聲夾山回顧師曰醞茶三五碗意在饅頭邊  
山曰餅有傾茶意籃中幾箇既師曰餅有傾  
茶意籃中無一既便傾茶行之時大眾皆舉  
目師曰大眾鶴望請師一言山曰路逢死蛇  
莫打殺無底籃子威將歸師曰手執夜明符  
幾箇知天曉山曰大眾有人歸去歸去從此  
住普請頌曰路逢死蛇莫打殺無底籃  
子須臾下往往事從閒話生莫將閑話為閑  
話并翁無擔板漢沒拘束餓死首陽山

捨不食周粟

歷堂題

洪州鳳棲山同安丕禪師雲居僧問如何  
是和尚家風師曰金雞抱子歸霄漢玉兔懷  
兒向紫微曰忽遇客來將何祇待師曰金果  
朝來嶺去摘玉花晚後鳳嘶蹄頌曰  
日午煙凝山突兀夜半天淡月嬋娟混然  
照寒宵永明暗圓融未兆前并舊詩  
尺素如殘雪結成雙鯉魚要知心事看取  
腹中書方菴題  
白玉階前金鳳舞黃金殿上玉雞鳴正中來  
與燕中到昨夜雪深月正明雪巖題  
同安丕同僧問依經解義三世佛竟離經一

字即同魔說此理如何師曰孤峯迥秀不挂  
力四

頌曰

煙蘊片月行空白雲自異  
雲自高飛水自流海天闊泳孤舟夜深不  
向蘆灣宿迥出中間與兩頭  
丹霞海

歙州朱谿謙禪師  
詞雲若韶國師到齋

次聞犬咬靈鼠聲部便問是甚麼聲師曰

犬咬靈鼠聲曰既是靈鼠為甚麼却被犬咬

師曰咬殺也曰好箇犬師便打曰莫打某甲

話頭師休去  
頌曰

針頭削錢佛面刮金無處若有出手便驚

月堂昌

鼠既不靈官馬相踏

借使乘風廝挨廝撈干戈中立太平基凜凜

嘉聲振蘭若  
佛燈珣

朱谿問僧甚麼來曰廣南來師曰彼中還

有奇特尊宿麼曰奇特尊宿並無入說

看只有一人太無慚愧師曰誰僧便指師

曰果然無慚愧曰若不是朱谿時人因指師

以手掩鼻僧近前師便打曰恰是師曰老僧

住持事繁僧拂袖便出師呵呵大咲曰盤

陀石上藕  
頌曰

亂走到家來到家便亂走捉得玉麒麟咬斷

月堂昌

問着奇特尊宿指出

永樂北藏

禪宗頌古聯珠通集

第一九九冊

無慚愧漢力戰當場彩旗撩亂頭尾兩全始  
終一貫蟠桃一熟三千年藕生石上誰親見  
佛性撥草瞻風客機鋒箭來盤陀石上  
藕一夜鎖花開方老奇特老尊宿大無慚  
愧人盤陀石上藕喜見一番新石溪月  
雲居山第二世道簡禪師雲居僧問孤峯

獨宿時如何師曰閑著七間僧堂不宿阿誰  
赤四教你孤峯獨宿頌曰法爾非修本十成平  
常酬答最分明端然指出長安道無奈遊人  
不肯行片霞豁開萬仞崖劈面通消息一  
條白練飛界破青山色半老雲居因僧問  
路逢猛虎時如何師曰千人萬人不逢如何

却是你逢頌曰不搽紅粉色不挂綠羅衣  
一般閑態度淡墨畫蛾眉半老雲居簡因  
僧問如何是朱頂王菩薩師曰問這赤頭漢  
作麼高菴悟云這箇便是超宗越格底事  
直是無你會處須是悟了更能履踐始得諸  
人還明得麼乃頌曰朱頂王菩薩元是赤

頭漢驚怖李三黑一生只賣炭

廬山歸宗懷禪師雲居因僧問截水停輪  
時如何師云磨不轉頌曰千尋竿上反筋  
斗大海波心擲釣鉤大體還他肌膚好不塗  
紅粉也風流由事大用縱橫掣電機燦  
羅眼尚膠黏迷途夢裏爭唇吻却憶隨他去

一回身老作新羅雲住和尚新羅僧問如何是諸佛師曰文殊聳耳頌曰無相先中未兆身清虛渺邈豈爲隣一輪明月當軒照玉殿蕭蕭不見人外震撫州荷玉山光慧禪師胡曹山僧問如何是西來的意師曰不禮拜更待何時頌曰虛堂寂寂夜深寒勢得瑤琴月下彈不是知音徒側耳悲風流水豈相干升霞洋外震衡州常寧縣育王山弘通禪師胡曹山僧問如何是和尙家風師曰渾身不直五分錢曰太恁貧寒生師曰古代如是曰如何施設師曰隨家豐儉頌曰祖代家風沒一文清貧中更是清貧著

衣喫飯隨豐儉物物頭頭用最親丹霞撫州金峯從志禪師胡曹山拈梳子示僧曰一切人喚作梳子金峯道不是僧曰未審和尚喚作甚麼師拈起梳子曰恁麼則依而行之師曰你喚作甚麼曰梳子師曰落在金峯裏頌曰天作孽猶可違自作孽不可違赤四山外震金峯案裏絕說說梳子拈來會也麼回鴈一聲春夢斷始知身世悟南柯方老渾外震喬拈起好風規石火明明已較遲不落金峯案裏裏會頌赤手討便宜石溪月外震金峯因僧問是身無知如土木瓦石此意如何師下擇床扭僧耳外震僧負痛作聲師曰今日始捉著

永樂北藏

禪宗頌古聯珠通集

第一九九册

箇無知漢僧作禮出去師召闍黎僧回首師  
曰若到堂中不可舉箸曰何故師曰大有人  
笑金峯老婆心頌曰扁舟劃斷曉江雲一曲  
高歌遠送君驚起灘頭野鴨子海天飛去不  
成羣西石惠是身土木無知漢忍痛聲中一  
皺眉好是南山射石虎縱饒沒羽亦徒為石

溪月金峯於僧堂喫餅次自拈一枚餅從上  
板頭轉一匝大衆見一時合掌師曰縱饒你  
十分起手也只得一半至晚有僧請益云今  
日行餅見僧合掌和尚道縱饒十分起手也  
只得一半請和尚全道師作拈餅勢復云會  
麼曰不會師曰金峯也只得一半頌曰金峯

餬餅只許一半若要完全後五日看方卷顯  
金峯見駢道者來擎起經作攬衣勢以目視  
之駢提坐具以目視師師曰一切人道你會  
禪曰和尚作麼生師曰草賊大敗頌曰  
龍起滄海虎出林端直下來也急著眼看石  
溪月金峯因僧問四海晏清時如何師曰猶

是階下漢頌曰 四海烟塵已晏然當軒  
皓月照人寒大功不賜將軍賞寶馬金鏘頓  
懶看丹霞潭撫州曹山慧霞禪師翻曹山僧  
問佛未出時如何師曰曹山不如曰出世後  
如何師曰不如曹山頌曰 日隱青山瑞  
氣高梧蔽丹鳳觀無寥無端石馬潭中過驚



起泥龍翻海潮枝子青古木靈巢鶴夢迷崑  
崑崙白象倒騎歸魚鱗水漲舟橫岸羊角風生  
花落溪湛堂深曹山不如花根本艷不如曹  
山虎體元班江南地暖塞北春寒一把柳絲  
收不得和烟搭在玉闌干石菴曹山不如  
是馬非馱不如曹山虎不食斑龍吟霧起虎  
嘯風寒達觀之士兮一見便見中下之機兮  
千山萬山瘥病不假驢馱藥延齡何用九還  
丹幸甚傳曹山霞因僧侍立師曰道者可然  
然曰是師曰祇如熱向甚處回避曰向鍾湯  
爐炭裏回避師曰祇如鍾湯爐炭又作麼生  
回避曰衆苦不能到頌曰  
崑崙片玉大

中潤碧落孤烟水底圓一會憐然無異色任  
從滄海變桑田丹霞淨衆苦不能到特地好  
乾坤風光都買盡不費一文錢枯禪賀家  
湖上天華寺一一軒窓面水開不是閑門防  
俗客愛閑能有幾人來天目禮瞻却頂門三  
隻眼鑊湯爐炭裏優游若言衆苦不能到端  
的何曾有地頭火室陸瑞州黃檗山慧禪師  
問疎山問疎山剎那便去時如何山曰畱塞  
虛空汝作麼生去師曰畱塞虛空不如不去  
山便休去頌曰畱塞虛空不如不去前  
後際斷今亦無住倒騎佛殿出三門却把三  
門掛露柱懶甚需隨州護國寺澄禪師頌疎

山因演化大師在湖南報慈值慈陞堂次化  
出問如何是真如佛性慈云誰無化不契遂  
請益師師曰汝但問來化理前問師曰誰有  
化於言下契悟乃云首座或在眾或住持某  
甲擔終身相助後化亦繼師住護國御護目  
頌曰 誰無誰有句中玄擊碎重關道宛

然若是子期聽品弄肯將松韻作秋蟬大洪  
遂朝三莫四一何少朝三莫四何太多多少未能  
知數量有無從此見詭訛不詭訛奄蘇噓惡  
哩薩婆訶佛性泰誰無誰有金機道言下反  
身不唧啣直饒未舉已先行錯認簸箕作壁  
斗呵呵呵若人便解倒騎驢一生不署隨人

後秀康昭護國澄因僧問如何是本來心師  
曰犀因翫月紋生角象被雷驚花入牙頌曰  
三脚靈龜荒徑走一枝瑞草亂峰垂崑崙含  
玉山光潤涼免懷胎月未知丹霞護國澄  
因僧問如何是梵音相師曰河址驢鳴河南犬  
吠頌曰 目連求佛梵音相運盡神通不

見邊誰悟驢鳴并犬吠圓音落落示人天大  
洪遂護國澄因僧問如何是本來父母師曰  
頭不白者曰將何奉獻師曰殷勤無米飯堂  
前不問親頌曰 出門遍界無知已入戶  
盈眸不見親虛室夜寒何所有碧天明月頌  
為隣升霞護國澄因僧問鶴立枯松時如

何師曰地下底一場懺懺問會昌沙汰時謹  
法善神向甚麼處去師曰三門前兩箇一場  
懺懺問滴水滴凍時如何師曰日出後一場  
懺懺頌曰鶴立孤松類莫齊豈同鵝鴨狎羣  
雞遼陽化去無踪跡靈木迢然鳳不棲大洪  
遂古寺門前謹法神會昌沙汰鼻頭幸時來

赤口

九

天地皆同力究竟還他有道君冰生滴水事  
清高日出東方便不牢溪澗豈能留得住終  
歸大海作波濤壯志稜稜鬚未秋男兒不患  
不封侯反思清白傳宋洗耳溪頭不飲牛天  
童光潭州報慈巖嶼揮師龍牙僧問情生  
智隔想夢體殊抵如情未生時如何師曰懺

永樂北藏

禪宗頌古聯珠通集

第一九九冊

曰情未生時隔箇甚麼師曰這箇梢即子未  
遇人在頌曰 古人一隔衲僧命脉欲識  
一貫兩箇五百天衣懷情未生時隔金毛多  
失色狐狸門外走縱橫笑殺叢林老禪客揚  
無為無情由隔若為通絲髮之間路萬重可  
惜兩頭空走者不能直下見其宗白雲端報

慈一隔佛祖命脉放去收來聖凡罔測附  
寧隔青天無雲霧靈雲叢林衲子如稻麻不  
知幾箇僊陀客大中江南舡海南舶把柁  
張帆知節拍隨波逐浪幾時休撒手到家頭  
已白大洪退隔穿耳胡僧眼睛黑東院西邊  
是趙州觀音院裏安彌勒石門初襄州萬銅

永樂北藏

禪宗頌古聯珠通集

第一九九冊

山廣德延禪師青林度僧問如何是透法  
身句師曰無力登山水茅戶絕知音頌曰體  
妙探玄盡涉程爭如野老異中行功忘日用  
平懷穩免事君王寵辱驚升霄漢襄州石門  
獻蘊禪師嗣青林度僧問如何是和尚家風  
師曰物外獨騎千里象萬年松下餌金鐘頌

曰夜明簾外月朦朧騎象翻身擊寶鍾  
洪韻上騰三界外靜夫何事睡猶濃丹霞淳  
素州木平山善道禪師嗣燈龍七初叅洛浦  
問一漚未發已前如何辨其水脉浦曰移舟  
諳水脉舉棹別波瀾師不契乃叅蟠龍亦如  
前問龍曰移舟不別水舉棹即迷源師從此

悟入頌曰金烏玉兔兩交馳照破威音  
未兆時若謂青霄別有路木人依旧皺雙眉  
丹霞淳移舟曾不別澄源舉棹波生豈更堪  
要會一漚初未發木人半夜好同叅本覺一  
滔滔一脉混常流纔觸波瀾卒未休岸闊風  
清澄皓月漁翁攬棹宿汀洲赤四菴成木平因  
僧問如何是西來意師曰石羊頭子向東看  
頌曰木平道高最難過人問西來意若何石  
羊頭子向東望月明纔上徧山坡直言不用  
多疑慮海澄浪息見森羅汾陽昭老胡萬里  
向支那直至而今不柰何堪笑牧童誰問路  
一聲長笛過前坡佛印元不勞斤斧弄巧成

拙壤衲通身頭髻若雪著雙破草鞋踏破澄  
潭月祖意石羊頭向東一漚前事如何說法  
雲秀木平本自無斤斧好肉那堪著灸癰直  
指西來親切意石羊頭子向東看照覺石  
羊頭子向東看大地茫茫被眼謾月映寒潭  
清徹底雲收華岳露巔巔野老瓊石羊頭子

向東看祖意明明會者難不惜當陽重指注  
今朝九日菊花斑此山應  
汝州風穴沼禪師詞甫院

師在郢州李吏君衙內度夏普請大會  
請師陞座乃曰祖師心印狀似鐵牛之機去  
即印住住即印破祇如不去不住印即是不

印即是還有人道得麼時有盧陂長老出問  
學人有鐵牛之機請師不搭印師曰慣釣鯨  
鯢澄巨浪却嗟蝸步驟泥沙陂住思師喝曰  
長老何不進語陂擬議師便打一拂子曰還  
記得話頭麼試舉看陂擬開口師又打一拂  
子牧主曰信知佛法與王法一般師曰見甚  
麼道理牧主曰常斷不斷反招其亂師便下  
座頌曰擒得盧陂跨鎮牛三玄戈甲未輕酬  
楚王城畔朝宗水喝下曾令却倒流至寶  
鋒頭壁立鎮牛機十字縱橫寶劍揮一陣賊  
軍俱粉碎凱歌齊和太平歸保寧列聖風  
規初不放過擬跨鎮牛驀頭印破盧陂當斷

永樂北藏

禪宗頌古聯珠通集

第一九九册

却沉吟電轉星飛被活擒喝下機鋒如霹靂  
三玄戈甲振叢林圓仁勸鎮牛之機印住印  
破透毗盧頂額行却來化佛舌頭坐風穴  
當衝盧陂負墮棒頭喝下電光石火歷歷分  
明珠在盤貶起眉毛還蹉過天童覺全鋒敵  
勝鐵牛機電掣雷奔已是遲等閒活捉盧陂  
老縱饒猛略若為施君不見寰中意氣圖外  
威權擬議衝前總滅門懶菴一句猶如劈  
箭機總生擬議犯重圖分明佛法同王法只  
許當年牧主知簡翁風穴上堂若立一塵  
家國興盛野老聲威不立一塵家國喪亡野  
老安貼於此明得閑黎無分全是老僧於此

不明老僧却是閑黎閑黎與老僧亦能悟却  
天下人亦能瞎却天下人欲識閑黎麼右邊  
一拍曰這裏是欲識老僧麼左邊一拍曰這  
裏是頌曰野老後教不展眉且圖家國立雄  
基謀臣猛將今何在萬里清風獨自知靈寶  
立國仍教野老欣威行閑外不揚塵縱橫  
莫測文兼武宇宙茫茫有幾人白雲端皓然  
渭水起垂綸何似首陽清餓人只在一塵分  
變泰高名勛業兩難泯天童覺二幾許歡心  
幾許愁好看野老兩眉頭家邦平貼清如鏡  
水瘦山空一樣秋五祖演云太  
平即不然若立一塵法堂前草深一丈不立

一塵錦上鋪花何也不見道 頌曰 九九  
八十一窮漢受罪畢 纔擬展脚眠蚊 蠅 猶蚤  
出且看雙放更雙收 有底歡聲有底愁 一切  
聖賢如電拂大千沙界海中漚 雪 巖 欽 家國  
分明得自由 盛衰全在一塵收 將軍戰馬眠  
方熟野草從教滿地愁 竹 瓦 商 風 亢 叅 南 院  
院問近離甚處師曰南方曰南方一棒一喝  
如何商量師曰作奇特商量曰我這裏不然  
師曰未審此間一棒一喝如何商量曰棒下  
無生忍臨機不見師師便省頌曰有喝端如  
探竿草無師血脉通紅線當陽不識李將軍  
徒學穿楊一枝箭 南 岩 勝 風 亢 因 僧 問 語 默

涉離微如何通不犯師曰常憶江南三月裏  
鷓鴣啼處百花香頌曰鷓鴣啼處百花香拊  
掌呵呵笑一場因憶舊年游歷處送人雲塢  
入斜陽 海 印 信 鷓 鴣 啼 處 百 花 鮮 江 國 從 來  
路坦然為報途中未歸客謝家人不在漁船  
賣 羊 明 快 騎 駿 馬 上 高 樓 南 北 東 西 得 自 由  
最好腰纏十萬貫更來乘鶴上揚州 鼓 山 珙  
忽尔出門先見路總方下脚便登船神仙秘  
訣真堪惜父子雖親不可傳 徑 山 不 彩 雲 影  
震神仙現手把紅羅扇遮面急須著眼看仙  
人莫看神仙手中扇 佛 鑑 慈 不 露 風 骨 句 未  
語先分付進步口喃喃知君太悶措 無 門 關

永樂北藏

禪宗頌古聯珠通集

第一九九冊

風穴因僧問如何是佛師曰杖林山下竹筋  
鞭頌曰杖林山下竹筋鞭南土行人萬  
萬千莫恠相逢不下馬東西各自有前程  
明圓杖林山下竹筋鞭枝節蕭疎古澗邊  
會宗師開正眼滿輪午夜照秋天海印信杖  
林山下竹筋鞭搭索擊鈎火裏牽拽近不  
推亦四向後回旋却到使君前道吾真杖林山下  
竹筋鞭頭尾拈來總一般莫恠玄沙不出  
他家元是釣魚舡雲峯杖林山下竹筋鞭  
水在深溪月在天良馬不知何處去阿難依  
舊世尊前真半文杖林山下竹筋鞭南土行  
人萬萬千堪笑一堂無事客卧雲深處不朝

天雲溪恭杖林山下竹筋鞭拈出寒巖尚帶  
烟扶過斷橋曾得力而今不直半分錢上方  
益杖林山下竹筋鞭六月行人人口吐烟曾在  
祝融峯頂見十分月出在平田東山空杖林  
山下竹筋鞭橋梵鉢提舌挂天羣黨元來諱  
空手起家消息在荒田或巷雅風穴因僧問  
如何是清淨法身師曰金沙灘上馬即婦頌  
曰金沙灘裏馬即婦宗匠臨機發一言自笑  
箭穿紅日影孰云斫水不成痕正覺遠相逢  
盡道歸山去林下何曾見一人回首面南看  
吐斗金鷄早報五更春浮山遠截鐵之機安  
可惻賴開千眼莫能窺禪人到此徒名邈錯



詔查梨作乳梨海甲何年嫁事馬家郎風  
枕同歡碧玉床回首畫橋離別苦落花不水  
淚千行張無盡十分美麗誰家女百倍聰明  
是馬郎堪笑金沙灘畔約始終姻姪不成雙  
或菴體風穴因僧問如何是佛師曰如何不  
是佛曰學人未曉乞師再指師曰家住海門  
東扶桑最先照頌曰 眉間一道白毫光歷  
劫知將甚處歲永夜寥寥天未曉更須祈額  
望扶桑保寧勇風穴到黃龍龍曰石角穿雲  
路垂條意若何師曰紅霞籠玉像擁幢照川  
原曰恁麼則相隨去也師曰和尚低聲頌曰  
無價明珠暗處懸夜深將把木人牽誰知却

被泥牛見吞入紅霞碧浪淵投子青風穴曰  
僧問如何是道師曰五鳳樓前曰如何是道  
中人師曰問取城隍使頌曰 深宮禁殿隔  
重闌簾靜簷簷檻紫氣垂苔地不通朝請近家  
人指路莫遲疑投子青風穴因僧問塵鹿成  
群如何射得塵中主曰釣舡載到瀟湘岸氣  
咽無家問白鷗頌曰 禁殿重闌視聽危側  
思偏立絳綸垂漠鄉雲斷汀洲迴嶺莫猿啼  
孤月隨投子青風穴因僧問如何是學人親  
切處師曰須彌南畔齊打鼓賀蘭山前築皮  
毬頌曰 親切曾伸問老翁東山歌唱吐山  
今弄潮須是吳江客別語還他漢地人投子

永樂北藏

禪宗頌古聯珠通集

第一九九冊

青風穴因僧問古曲無音韻如何和得齊師  
曰木雞啼子夜芻狗吠天明頌曰古巖月  
色鎖重雲枯木迎芳晚帶春昨夜星河隔南  
斗金烏隨鳳過天輪投子青汝州頌橋安禪  
師號鐵湖嗣南院向火次因鍾司徒問三界  
焚燒如何出得師以香匙撥開火鍾擬議師

召曰司徒司徒鍾忽有省頌曰

三界炎炎如火聚道人未有安身處連忙撥  
火召司徒眼上眉毛渾不顧眉毛落盡入還  
生死火寒灰解脫坑奉報禪人急跳出莫教  
日午打三更佛剎熱高聲撥火召司徒  
火燄炎天暮面驅抵向此間能穩坐任教門

外雪盈衢治父月三界焚燒要出離見春來  
了見春歸是他不見春來去日出東方夜落  
西問柱雲

六祖下第八世

資福遂

芭蕉徹

吉州資福真遠禪

師明安福寶

赤四

僧問如何是古人歌師作此○

相示之

赤四

頌曰一曲兩曲深夜彈松風和雨

過前山可憐卞玉離荆岫誰是知音却取還

投子青

郢州芭蕉山繼徹禪師明芭蕉

僧問有一人不捨生死不證涅槃師還提

掣也無師曰不提掣曰為甚麼不提掣師曰

林溪粗識好惡頌曰百歲兒童出戶來滿

身紅爛悉塵埃火中閑步清涼地識者無因敢近臺授子音

六相下第八世

黃龍機一則

明招謙二則

地藏琛二則

大龍洪一則

白馬露一則

曹洞宗

薦福思一則

同安志一則

廣德義二則

廣德周一則

石門徹三則

太陽堅一則

鄂州黃龍山誨機禪師一則

士象方僧問風恬浪靜時如何師曰百尺竿

頭五兩垂頌曰百尺竿頭五兩垂窮沙絕

漠任風吹可憐無限滄浪客猶把南針定所

歸石林翠

婺州明招德謙禪師一則

永樂北藏

禪宗頌古聯珠通集

第一九九冊

一日天寒上堂衆終集師曰風頭稍硬不是汝安身立命處且歸暖室商量便歸方丈大衆隨至立定師又曰總到暖室便見瞋睡以拄杖一時趁下頌曰堂上非常凜冽衆人誰敢當頭只見西風刮地豈知一葉驚秋暖處去極停回無入為典塞咽喉須信高皇功業大鴻溝兩岸一時收佛慈泉風頭坐斷進還難袖手相將不易看未到潼關天已曉不堪回首望長安同福車風頭稍硬難安立暖氣終通瞋睡來却笑明招開費力無端兩處強差排此山北夜半明星當午現愚夫猶待曉鷄鳴可憐自榮不知臭又欲重新拈似人

永樂北藏

禪宗頌古聯珠通集

第一九九冊

徑山米 風前露出無瑕壁室內擊將如意珠  
兩度獻渠渠不識可憐流落在江湖佛性未  
鷗鳥守空池魚從脚底過鷗鷗總不知懶  
蒼古稍硬風頭早已乖更將暖處自沉埋反  
令千古成踪跡枉喫羅山白飯來介石朋風  
頭稍硬無棲泊暖處商量一句無老倒不堪  
醫世患謾將毒藥當醍醐東山源前頭計較  
既不成後面安排亦不是古時若有今時人  
不落他家圈穢裏幽攝倫明招因僧問虎生  
七子那箇沒尾巴師曰第七箇沒尾巴頌  
曰無尾大蟲難傍近近前便是傷人命除非  
自解擲虎頭自煞頭正尾亦正鼓山第七

菸菟沒尾巴食牛之氣已堪誇藥林排排爭  
昏吻幾箇行人得到家徑山果第七箇沒尾  
巴不落羣隊獨露爪牙擬心湊泊終難見須  
信蓮開火裏花松源岳福州地藏桂琛禪  
師胡去沙問僧什麼處來曰南方來師曰南  
方佛法如何曰商量浩浩地師曰爭似我這  
裏種田博飯喫曰爭奈三界何師曰喚什麼  
作三界頌曰種田博飯喫言中誰辨的午  
後打齋鍾真金曾失色雲峯悅種田博飯喫  
佛法要商量言下超三界靈機發妙光靈源  
清種田博飯待方來玄妙商量一任猜無影  
樹頭懸日月幾人於此便心灰天古佛宗說

永樂北藏

禪宗頌古聯珠通集

第一九九冊

般般盡強為流傳口耳便支離種田博飯家  
常事不是飽參人不知參飽明知無所求子  
房終不貴封侯忘機歸去同魚鳥濯足滄浪  
烟水收天童覺種田博飯有來由免見區區  
向外求莫謂勞心便勞力大都工拙要全收  
雲巖四千鈞發重機千古仰遺則雖連十五  
城那換相如璧商量浩浩地爭如種田博飯  
喫一片殊勝緣兩段俱奇特要知火裏鉢曇  
花天上人間不可加佛蓮種田博飯喫飽  
卧長伸脚把將三界來安向左邊著引得龍  
牙老古錐手裏把柄破木杓無半地藏既  
月日雲動有雨去有僧曰不是雲動是風動

師曰我道雲亦不動風亦不動曰和尚適來  
又道雲動師曰阿誰罪過頌曰風起心搖  
樹雲生性起塵若明今日事昧却本來人龍  
濟修若教捉物入迷津但有纖毫即是塵不  
信舊時無相貌外尋知識也非真草堂清雲  
生洞裏陰風動林間響若明今日事半斤是  
八兩上方岳樹動風搖塵生雲起太上老君  
何曾姓李斷揭倫鼎州大龍山智洪禪師  
白兆僧問色身敗壞如何是堅固法身師  
曰山花開似錦澗水湛如藍頌曰問曾不知  
答還不會月冷風高古巖寒檜堪笑路逢遠  
道人不將語默對手執白玉鞭驪珠盡擊碎

永樂北藏

禪宗頌古聯珠通集

第一九九冊

不擊碎增瑕類國有憲章三千條罪雪寶頭  
山花如錦水如藍雲在高峯月在潭兩箇泥  
牛闢入海行人脫袴杖頭擔此歲思山花如  
錦春長在澗水如藍碧湛然信步白雲深處  
去須知別有洞中天佛鎚慙色身敗壞世常  
情一點靈光到處晶澗水如藍花似錦法身  
何處不分明南堂興雲散蟾輪滿烟收岳面  
高泥牛穿巨海轉角起風濤天寧建山花如  
錦水如藍親見文殊接話談十字街頭輕一  
撥前三三對後三三南堂速大龍景物寂幽  
妍澗水山花照眼鮮堅固法身何必問風光  
長在劫壺先天目禮山花似錦水如藍突出

乾坤不露顏曾踏武陵溪畔路洞中春色異  
人間無準範襄州白馬山行露禪師詞白北  
僧問如何是清淨法身師曰井底蝦蟆吞  
却月頌曰九重深密視聽難玉殿瓊樓宿  
霧捲樊理盡歸臣相事輪王不戴寶花冠丹  
霄津頌州薦福恩禪師明護國僧問古殿  
無佛時如何師曰梵音何來曰不假修證如  
何得成師曰修證即不成頌曰古殿苔生  
像不安霜風八面逼人寒梵音忽奏誰能會  
人天盡聽玉珊珊大洪遂古殿無佛梵音何  
來夢中喚省樓閣門開靈光一點絕塵埃耀  
古騰今遍九域南堂具洪州同安志禪師

同去王僧問二機不到處如何舉唱師曰徧處不逢玄中不失頌曰 這遣那畔總難逢一句無私不處中紅日暮沉西嶂外空留孤影照溪東丹霞同安志因僧問凡有言句盡落今時學人上來請師直指師曰目前不說句後不迷又問如何是向上事師曰迥然不換標的即乖頌曰 天黑雲深飛莫鴉鷺驚立雪對蘆花幸然不屬今時事句後聲前會即差雪岩襄州廣德義禪師明廣德延僧問古人云言語道斷非去來今此理如何師曰彌勒涅槃知幾劫護明猶未降迦維頌曰妙湛圓明第一機降生成道涅槃時迦維

摩竭雙林樹認著元來不是伊丹霞廣德義因僧問久負不逢時如何師曰扇開人不遇陋巷莫能收頌曰 妙體堂堂相好全青霄獨步躡金蓮千華臺上猶慵坐弊垢欄衫豈肯穿丹霞襄州廣德周禪師明廣德延僧問教中道阿逸多不斲煩惱不修禪定佛記此人成佛無疑此理如何師曰鹽又盡炭又無曰鹽盡炭無時如何師曰愁人莫向愁人說說向愁人愁殺人頌曰 收放隨時雖有準出門入戶恐難論長安路子君須到莫向深村草裏躡重堂襄州石門慧徹禪師石門慧徹僧問實際理地如何進步師曰鳥

永樂北藏

禪宗頌古聯珠通集

第一九九冊

道無前僧曰幽谷白雲藏白雀提心棲處隔  
山迷頌曰幽谷白雲藏白雀提心棲處隔  
山迷直饒不住棲心處猶落怡山第二機  
巷雷石門徹因僧問如何是三乘教外別傳一  
句師曰東村王老夜燒錢頌曰東村王老  
夜燒錢草鞋踏地帽指天家無白澤招禍福  
窮時相炒餓相煎洞山三乘教外別流傳  
瞎漢多知喚作禪天下衲僧叅不到東村王  
老夜燒錢揚無為東村王老夜燒錢眼中塵  
霧口中烟招神引鬼成妖惟三脚蝦蟇飛上  
天地哉思東村王老夜燒錢野鬼聞神滿目  
前休更逢人覓玄旨謝家人不在漁船上方

王老夜燒錢白曰看星月磕頭禮慈尊子  
把名香蕪道吾真木食草衣隨分過此身贏  
得樂天真忽咨教外別傳句未免燒錢引鬼  
神寶葉源王老燒錢言端語端錦包特石鐵  
累泥團退耕寧石門徹因僧問雲光作牛意  
旨如何師曰陋巷不騎金色馬四途却着破  
欄衫頌曰瑞草萊中懶欲眠徐行處處迎  
脩然披毛戴角人難識為報芒童不用鞭丹  
霞導郢州太陽慧堅禪師嗣靈泉仁因僧問  
如何是玄旨師曰壁上掛錢財頌曰輕輕  
人問玄中旨便吐肝腸說與他木人暗皺雙  
眉處石女多言爭奈何投子青玄旨玄旨壁



永樂北藏

禪宗頌古聯珠通集

第一九九册

上錢財挂起家門幸自平安白日招神引鬼  
揚無為玄旨分明示學人錢財壁上挂金銀  
連珠六貼三千貫不濟飢寒不濟貧無盡  
鼎州德山圓明緣密禪師嗣雲門上堂大衆  
及盡去也直得三世諸佛口挂壁上猶有一  
人呵呵大笑若識此人衆學事畢頌曰 雙  
育入暗路崎嶇日落栖蘆暫得甦爭似石人  
眠夜半免教舜讓守林居須知花綻非干木  
無脚行時早觸途昨朝風起長安道先是崑  
崙進國圖投子青收把斷襟喉風磨雲拭水  
冷天秋錦鱗莫謂無滋味釣盡滄浪月一鉤  
天童紫青山是父白雲兒雲散青山愁不知

玉兔晝眠雲母地金烏夜宿不萌枝足卷鑑  
岳州巴陵新開院顯鑑禪師嗣雲門僧問如  
何是道師曰明眼人落井頌曰 落井須明  
出井機直宜擡眼動睛輝於斯個儻無纖隔  
祖道汪洋得旨歸洞山臨南北東西苦問人  
新聞多口接迷津從茲八駿追風急空望悠  
悠脚下塵佛印元好箇明眼人落井叢林話  
會幾時休修心未到無心地萬種千般逐水  
流正覺迷明眼人落井靈丹透金鼎黑水崑  
崙奴夜過漫天嶺覺海元秋夜霜天月正明  
仰觀星象約三更一條大路平如掌歸去何  
妨徹曉行保寧勇明眼人落井波斯上古臺

永樂北藏

禪宗頌古聯珠通集

第一九九冊

龍門三級浪死水有曝腮長  
卓明眼人落井西方在東嶺  
捉得箇饅頭開拳是餬餅  
甲信語不邪笑不來拙鋪設巧安排  
糊繇將板拍野老舞三臺  
治父川巴陵一句子對面却相謾  
大地平如掌何事放無端  
月菴果誰解當頭領坐斷毗盧頂  
稽首老巴陵明眼人

素四

升一

落井月林嶺明眼人落井恩深然亦深  
海枯終見底人死不知心  
朴翁銘巴陵因僧問如何是吹毛劍  
師曰珊瑚枝枝撐著月頌曰要平不平  
大巧若拙或指或掌倚天照雪大冶兮  
磨礱不下良工兮拂拭未歇別別珊瑚  
枝枝撐著月雪實顯珊瑚枝枝撐著月射斗

鋒鋌未足觀四海盡來歸  
貢後乾坤同耀寶光寒白雲端  
價重三千不可圖從教千古強  
名模長因塞北烟塵息記得江南啼鷓鴣  
長寶卓脫得邊城戍役身却來偷賞上園春  
御街前畔低聲語不覺衝他兒事人心閑賁  
巴陵因僧問如何是提婆宗師曰銀椀裏盛  
雪頌曰老新開端的別解道銀椀裏盛雪  
九十六箇應自知不知却問天邊月提婆宗  
提婆宗未旛之下起清風雪實顯大冶精金  
澄潭皎月南北東西孰分優劣昨夜春風一  
陣來掃盡千山萬山雪海印信人天會上分  
緇素龍象堂前定是非選甚邪魔并異類好

永樂北藏

禪宗頌古聯珠通集

第一九九冊

教齊向此中歸保寧勇銀椀裏盛雪冰壺含  
寶月縱具四常陀到此虛搖舌西天令嚴此  
土還別佛性泰提婆宗銀椀雪泰華摧滄海  
竭赤旛之下起清風吹落楊花硬如鐵佛心  
才巴陵因僧問祖意教意是同是別師曰鷄  
寒上樹鴨寒下水頌曰同別祖教問端由  
便將元價與他酬絲綸夜靜人垂釣曉得金  
烏帶月收投子青昨夜三更屈指輪世間休  
說兩三人數聲長笛離亭晚君向瀟湘我向  
秦保寧勇鷄寒上樹鴨寒下水三百餘會不  
能宣九年面壁徒瞋睡休瞋睡上是天弓下  
是地佛性泰鷄寒上樹鴨寒下水時節不相

饒古今自然理寒松十里吼清風流水一溪  
聲未已湛堂準一朵梨花春帶雨金色頭陀  
笑不語龍宮海藏月明前織女姮娥相對舞  
咲者咲舞者舞十方無虛空大地無寸土南  
堂與鷄寒上樹鴨寒下水驚嶺費分疎少林  
提不起千峰寒色露全機上眉毛千萬里  
亦岩中雞作蒼鷹擊鼉鼻鴨為金翅作獰龍  
空王以此垂洪範錦上鋪花知幾重南岩勝  
般若啓柔禪師問雲門僧問西天以蠟人為  
驗未審此土以何為驗師曰新羅人草鞋頌  
曰龜毛拈得笑哈哈一擊萬重關鎖開假  
使蠟人似冰結當甚新羅人草鞋拈禪鏡

永樂北藏

禪宗頌古聯珠通集

第一九九冊

益州青城香林院澄遠禪師到雲門僧問  
如何是西來的的意師曰坐久成勞曰便回  
轉時如何師曰墮落深坑頌曰一箇兩箇  
千萬箇脫却籠頭卸角馱左轉右轉隨後來  
子湖要打劉錢磨雪實頭香林無雜木一一  
是旃檀野火忽然發清風天地寬祖意報尔  
曹坐久自成勞野軒邊禪家流何太錯只管  
追求無病藥若知煩惱即菩提久坐成勞亦  
安樂佛鉢懸絕消息處捉來有形影中走却  
只因懶問兒孫要把欄衫反著坐久成勞位  
次已高起時失却人天相無限行人認白毫  
月堂香林因僧問如何是衲衣下事師曰

臘月火燒山頌曰臘月燒山萬種千般翹松  
鶴冷立雪人寒達磨不會大難大難雪實頭  
臘月火燒山天邊兩曜還香林曾未會空坐  
劍門開佛印元僧問衣下事師答火燒山佛  
手遮不得人心似等閒正覺歲晚年來正  
苦寒千林木葉盡凋殘炎炎野火無杯水應  
是隨風過別山上力益老大叢林快說禪不  
將禪挂口皮邊谷深山遠空無像何處人呼應  
不圓天童覺臘月燒山特地無端錦包特石  
鐵畧泥團圓相勸臘月山頭火亘天衲衣下  
事若為傳老來不是觀時節因即長伸兩脚  
眠白楊頭巢知風穴知雨可憐謝三郎月下

自挂槽大珠臘月燒山對面熱謾瞥然悟  
 去身在長安咄哉無限未歸客沙裏求油實  
 可憐石窓恭香林臘月火燒山錢眼銅睛見  
 亦難腦後一星輕點著三千里外觸腰乾拙  
 甚光臘月火燒山苦口是黃連相將歲除夜  
 竇八布衫穿大可憐把手入黃泉世卷顏袖  
 衣下事火燒山臘月家貧徹骨寒堪笑連延  
 曾未息眉毛焦赤面皮乾天意淨香林臘月  
 火燒山冷淡家風退後看開裏果然輕踏著  
 方知日午打三更百拙臘月燒山天寬地  
 寬築著磻著徹骨毛寒松源岳臘月火燒山  
 天寬與地寬常啼菩薩苦  
 嚮心肝高原

矣臘月燒山有甚相謾添桶不快休要胡鑽  
 朴翁銘香林因僧問如何是衲僧活計師曰  
 耳裏種田頌曰耳裏種田滿口含烟鍾馗  
 解舞十八拍張老乘槎上九天無甚金香林  
 因僧問萬頃荒田是誰為主師曰看看臘月  
 盡頌曰紡毬拋出盡堂前妙轉無私體自  
 園直箇要行劬力事更須用見老雲門石明  
 萬頃荒田誰是主須知蒼處有來由箇中若  
 也無人委臘月看看又盡頭簡翁敬看看臘  
 月盡日用事如何富嫌千口少貧恨一身多  
 雲衲度香林因僧問如何是室內一師燈三  
 人證龜成鱉頌曰六耳何謀事不成直言

永樂北藏

禪宗頌古聯珠通集

第一九九冊

心表赤心人室中燈燭誰來撥白髮兒童兩  
鬢新投子青皎皎清光徧界莫藏聲拋不出  
色豈能彰直下斬釘截鐵刻却古今途轍高  
出臨濟德山三人證龜成鼈別別一回喫水  
一回噎圓悟動三人證龜成鼈井底泥牛氣  
噎直饒辯滿懸河有理亦難分雪耿耿孤光

并四

并四

常皎潔佛性泰三人證龜成鼈毗嵐一吹吹  
滅從茲暗裏穿針鼻孔七花八裂水卷一三  
人證龜成鼈剛把天機漏泄木人嶺上唱歌  
石女眼中滴血潮卷需室內一盞明燈等閑一  
撲撲滅自然不辯東西兒得證龜成鼈進菴  
奇洞山守初禪師參雲門放三頓棒因緣頌

曰 一鏃三關破不難如何猶在是非間曲  
勞提起飯袋子三頓方知徹骨寒白雲端三  
頓當時打不回錢門重擊鎖方開堪嗟不著  
一粒米十字街頭接往來米保軍勇送來大道  
透長安步步應須著眼看五里只知還五里  
到頭方覺路歧難成枯木去年八月離湖南  
行盡千山與萬山不與雲門三頓棒不知虎  
體有玄班慈愛深坐鎮韶陽老枯干江西湖  
外還相酬當時錢限高擡起未必黃河不倒  
流寶峯祥吹毛寶劍當機妙切玉如泥孰可  
猜不犯鋒銚全正令法王心印為君開禾仙  
雲門棒頭有眼洞山脚下雲生觀破森羅萬

衆便能海上橫行佛心才問甚分明豈偶然  
須知迷耳是忠言洞山服似銅鈴轉剛被雲  
門三頓謾大珠道奉君三頓曲周遮屈辱雲  
門老作家渡水穿雲五湖客欲將何物當生  
涯龍門遠見兔放鷹因行掉臂赤骨律窮方  
圓富貴放三頓棒尚遲疑再按方識錐頭利

亦四

亦五

單提獨脚機關外明眼衲僧猶不會回悟勤  
雲門飯袋子毒蛇當古路觸著便傷人誰敢  
正眼覷無和氣洞山初因僧問如何是佛師  
曰麻三斤頌曰麻皮三斤不用秤秤頭那  
肯坐於蠅一念纔生筋骨露徒勞更覓定盤  
星北塔祚五彩畫牛頭黃金為點額春晴二

永樂北藏

禪宗頌古聯珠通集

第一九九册

月初農人皆取則寒食賀新正錢錢三五百  
福嚴雅金烏急玉兔速善應何曾有輕觸屢  
事接機見洞山跛鼈盲龜入空谷花簇簇錦  
簇簇南地竹弓北地木因思長慶陸大夫解  
道合笑不合哭雪竇顯三年一閨大家知也  
有顛頑不記時昨夜馬回沙塞冷帶霜梧葉  
又披披拉子青火麻皮子若何分臘雪煎茶  
解醉君更有路行人未到野花含笑舊枝春  
洪昌遇打鼓弄琵琶相逢兩會家去年一百  
五今歲又還他浮山遠橫眸讀梵字彈舌念  
真言吹火長尖嘴柴生滿竈烟人處定如何  
是佛麻三斤大地茫茫愁殺人翠岩真一

永樂北藏

禪宗頌古聯珠通集

第一九九冊

片初生月蛾眉盡碧空中魚避釣雲外鳥  
防弓野軒遮問佛三斤麻齋僧怕夜茶春來  
寒食後古木噪寒鴉海印信同袍參學問通  
津來扣宗師佛正因為說三斤麻最好三斤  
天下說尖新幾多匠者頻拈掇索緣細素有  
疎親子今更為重秤過那吒太子析全身道  
吾真洞山有語麻三斤杓子擎拳問要津因  
憶舊年看草字張顛顛後更無人雲峯悅雲  
起千山曉風高萬木秋石頭城下水浪打釣  
魚舟佛慈泉斤兩分明不負君眼中瞳子莫  
生瞋百年三萬六千日得忻忻處且忻忻白  
雲端洞山麻三斤分明欠一著衲僧放不下

尋言空摸索雲蓋智江南三月鷓鴣天雨過  
諸峯景物鮮行盡天涯詰世事買鞋須是大  
先錢三祖宗尺璧未為重片言不可輕領取  
鉤頭意莫認定盤星地底思南天地暖北天  
寒水陸相通見不難無限黃花蕪翠竹任他  
千古往來看草堂清洞山的麻三斤明月  
堂前贈若人碧眼虎眉纔舉首又隨雲雨暗  
驚神長靈卓三斤足秤洞山麻撥動錙銖萬  
里差啼得血汗無用處夜來依舊宿蘆花張  
無盡千峯勢到岳邊佳萬派聲歸海上消迸  
出紅爐金彈子眼睛定動面皮焦南華鳥鷓  
鴒一舉千里飛鑽天鷄子與天齊鳳凰不是



凡間鳥為瑞為祥自有時龍門遠洞山麻三  
斤真鍮不博金將錢買五彩壁上盡天神琅  
琊覺洞山麻三斤斤兩不謬人語稀難問事  
貌古易傳神慈受深現前三昧料水打碓漏  
泄天機失錢遭罪丈殊能洞山佛話三斤麻  
縛絃叢林老作家最好風前一聲遂江城五  
月落梅華石屏明鍾在扣谷受響池印月鏡  
含像曾非展事投機豈是預搔待痒點鍊成  
金舉直錯枉一箭鵬雙一捆血一掌君不見  
踈而不漏号恢恢天網圓悟勤驢尾猪頭牛  
脚跡三斤麻皮露消息誌公杖頭剪刀尺從  
來兩下隋頭濕王泉建洞山老勿踈親答佛

法麻三斤無面目得人憎見得徹點殺人妙  
拳善水斷流山突兀為君放出遼天鵬擬欲  
風前瞬息時擡眸已是非真真吐吐吐塗毒  
某洞山初因僧問如何是正法眼師曰紙撚  
無油頌曰洞山宗匠較些些紙撚無油驗  
作家老倒禪和針子眼說禪說道會如麻翠  
若真洞山初上堂言無展事語不投機承言  
者喪滯句者迷還得麼你衲僧分上到這裏  
須具擇法眼始得抵如洞山恁麼道也有一  
場過且道過在甚麼處頌曰只要拔楔抽  
釘為人解粘去縛如何洞山老人先自騰蛇  
繞脚鼓山珪言無展事語不投機承言者喪

永樂北藏

禪宗頌古聯珠通集

第一九九冊

滯句者迷逢人不得錯舉匡山展事無回  
互投機通一線洞山無眼筋入地獄如箭南  
岩勝金陵奉先深禪師明雲門同明和尚到  
淮阿見人牽網有魚從網透出師曰明兄俊  
哉一似箇衲僧相似明曰雖然如此爭如當  
初不撞入網羅好師曰明兄你欠悟在明至  
中夜方省頌曰透網金鱗是衲僧鏤壁銀  
山膽不驚明老三更方瞥地任教千嶂碧層  
層大為智網中跳出便飛騰好箇天然俊衲  
僧何似當初未入網悟來方始是知音鼓山  
升俊哉一跳透重淵霹靂追之去不還却笑  
龍門燒尾者依然點額在波瀾匡山果師子

咬人狂狗逐塊三十里來方始悟何似當初  
莫入去治父川饒州薦福承古禪師明雲門  
主僧問如何是佛師曰莫莫又問如何是祖  
師面來意師曰莫莫頌曰古人一莫切忌  
啗啄臨濟權寄庫德山頓蕭索截斷佛祖機  
關顯出頂門一著子細審思量分明欠一著  
且道欠那一著雪堂行莫莫拈出一條斷貫  
索任從我佛及衆生撩天鼻孔都穿却松源  
岳韶州雙峰興福竟欽禪師明雲門僧問賓  
頭盧應供四天下還得遍也無師曰如月入  
水問如何是川而不雜師曰明月堂前垂玉  
露水精殿裏聚真珠頌曰混而不雜體常

虛雪月交光類莫如應處萬端無罅片雲自  
在卷還舒自得睚汝州首山省念禪師嗣風  
允僧問如何是佛師曰新婦騎驢阿家牽曰  
未審此語甚麼句中收師曰三玄收不得四  
句豈能該曰此意如何師曰天長地久日月  
齊明頌曰新婦騎驢阿家牽誰後復誰先

赤四

九八

張三與李四拱手賀堯年從上諸聖恁皆然  
起坐忙諸沒兩般有問又須向伊道新婦騎  
驢阿家牽神鼎運得不得傳不傳歸根得旨  
復何言憶昔首山曾漏泄新婦騎驢阿家牽  
黃龍南手提已鼻脚踏尾仰面看天聽流水  
天明送出路傍邊夜靜還歸茅屋裏道吾真

新婦騎驢阿家牽王老空中駕鐵舡井底掛  
帆風勢惡須弥頂上浪滔天海印信新婦騎  
驢阿家牽傍觀笑渠顛倒顛歸來舉目暮雲  
合嶺上蟾蜍光未圓天寧地七手八脚三頭  
兩面耳聽不聞眼觀不見啼得血流無用處  
不如緘口過殘春保身張顛不似首山顛  
不動毫芒百怪全猶得黃龍再拈出四方明  
眼若為傳新婦騎驢阿家牽低頭拾得一文  
錢十字街頭拍手笑東村王老屋頭穿真淨  
文首山有語古今傳此語休云返倒顛新婦  
醉騎驢子去是人笑道阿家牽佛國白新婦  
騎驢阿家牽面如滿月目如蓮更將羅袖相

永樂北藏

禪宗頌古聯珠通集

第一九九冊

牽挽一段風流遍大千  
惹受深新婦騎驢阿  
家牽體段風流得自然  
堪咲效顰鄰舍女向  
人添醜不成妍  
天武覺莫問新婦阿家免煩  
上路設吒遇飯喫飯遇茶喫茶  
同門出入宿世  
冤家五祖演新婦騎驢阿家牽碧玉羅紋頂  
上按播土揚塵尋不見元來只在舊山前  
文

未四

十九

殊道新婦騎驢阿家牽萬里滄溟駕鐵船  
參差島嶼分諸國彷彿星河共一天  
南華島阿家新婦兩同條  
咫尺家鄉路不遙可笑騎驢  
覓驢者一生錯認馬鞍橋  
鼓山珪新婦騎驢阿家牽步步相隨不著鞭  
歸到盡堂人不識從今懶更出人前  
徑山杲阿家新婦最相怜

新婦騎驢家便牽幾度醉歸明月夜  
笙歌引入盡堂前  
謾因元新婦快騎驢阿家引鞭走  
石筍夜抽條面南看北斗  
湛堂深新婦騎驢阿家牽草裏尋常  
万万千誰在後  
号誰在先不須特地苦加鞭  
牧巷忠塞驢須是阿家牽媳婦嬌癡懶  
著鞭在舍只知七十二出門方

見化三千箇堂機首山因僧問親到寶山空  
手回時如何師曰家家門前火把子頌曰  
家家門前火把子今古分明須記取  
五更鐘後聽雞鳴失曉朝官不帶帽  
石門飛門前火把寶山回玄學之徒  
遍九坡南海岸頭波浪起西番氍帽  
樣時栽耳若真空手歸時誰肯

信驢馱馬載入門來家家舉起火把子半夜  
 天如白日開白雲堆首山因僧問如何是佛  
 法大意師曰楚王城畔汝水東流頌曰 楚  
 王古城畔汝水向東流兩岸競垂釣幾人能  
 直鉤正亮楚王城畔水東流逐浪隨波早  
 脫休誰謂謝郎生計夜深明月上孤舟佛  
 楚東楚王城畔水東流樹倒藤枯笑不休好  
 是自從投子去更無人解道油油真淨火楚  
 王城畔水東流不今古朝宗是到頭逐浪隨波  
 如未息輪他漁父泛孤舟滿山秀楚國城邊  
 水去東發船便被打頭風蘆花灣裏聽漁唱  
 熨斗煎茶餤不同三祖宗楚王城畔水東流

日夜波濤去不休巖下忽逢湘水客謂言依  
 舊注悠悠雲漢恭千波萬浪曾無盡去漿來  
 帆浩莫窮謝客睡醒孤月白閒吹一笛渡頭  
 風替融平楚王成畔水東流南地禪僧吐地  
 遊眼目直教從淺辯權衡爭奈出常派金甌  
 為子拋除翳驢上穿靴背打毬翠岩真楚王  
 赤四  
 城畔水東流獨脚山魃踢氣毬貪著六女花  
 十八銚頭船子下楊州暗堂遠暑往寒來春  
 復秋夕陽西去水東流茫茫宇宙人無數那  
 箇親曾到地頭雪岩欽首山因僧問如何是  
 祖師西來意師曰風吹日炙頌曰 日炙風  
 吹不計年行人塵路辨應難擬心早已深三

永樂北藏

禪宗頌古聯珠通集

第一九九冊

尺更教誰問箇中玄洞山飛風吹日炙少人  
知頂仰先賢對此機饒君曠劫生前會穿耳  
胡僧也皺眉法華舉日炙風吹問袒來紅塵  
豆野眼難擡忙忙役役知多少二月春深動  
地雷翠岩真風吹日炙橫卧荒草觸著毒氣  
全身便倒天寧建日炙風吹也大奇根鋸疋  
馬將家兒皇圖自古元無事攢動煙塵更是  
誰三祖宗日炙風吹當路頭衲僧見後莫遲  
留我今到此堪惆悵葉落花紅經幾秋雲渡  
恭風吹日炙點朱點漆行人嗟嘆共誰相識  
亦陽昭首山拈竹篋示眾曰汝諸人若喚作  
竹篋則觸不喚作竹篋則背汝諸人且道喚

作甚麼連道連道頌曰竹篋舉起成生殺  
豈可容人亂扎錐劈脊一揮如薦得銀山鍊  
鮮也光輝照堂一拈起竹篋子如何便到家  
秘魔若不會隨後却擎叉鼓山挂背觸非遮  
護明明為舉揚吹毛元不動遍地是刀鋒在  
山果不觸又不背徒勞生擬議開口更商量  
赤四  
白雲千萬里此卷元黑漆竹篋非觸背大地  
山河俱粉碎咬人獅子急反身莫學韓獪猶  
逐塊趣巷演罵他還自罵瞋他還自瞋戒之  
慎之出乎爾者反乎爾者也此卷頻辯龍蛇  
眼定乾坤繫繫一天星斗分拈起竹篋言背  
觸明明刺腦入膠盆笑翁堪拈起竹篋行殺  
三十一

活令背觸交馳佛祖乞命無門開野千鳴獅  
子吼喪盡生涯不容開口虛堂愚首山示衆  
賓無二賓主無二主公案頌曰 賓主有無  
俱遣外行藏須要出常情無棲泊處開門戶  
月到中霄不敢明虛堂愚首山因僧問如何  
是學人親切處師曰五九盡日又逢春曰畢  
竟如何師曰冬到寒食一百五頌曰 日暮  
陰雲郊野深重陽到後菊花新不因西嶠殘  
水盡爭得東山一帶春投子春首山因僧問  
如何是菩提路師曰襄縣五里曰向上事如  
何師曰來往不易頌曰 問路窮途擬進  
程綠楊鶯語送行人牌標五里向君說莫道

常年不指陳投子青  
首山因僧問如何是學人用心處師曰怪你  
一問遲也頌曰  
未語難明迷悟情發言方表赤心人祇貪進  
步求名玉爭信靈苗不受春投子青  
禪宗頌古聯珠通集卷第十八

永樂北藏

禪宗頌古聯珠通集

第一九九冊